

## DE LAP. FIGUR. EX LUSU NAT. 61

Bermanno Cap. 32. omitto reliquas vires,  
ab autoribus passim traditas.

§. 18. Præterea RUBINI & HYACINTHI *minores*, aliquando in Salæ fundo, inter aquas observantur, quamvis rariissime: quos pretiosissimos lapides, & valde exiguos, ad Salæ ripam prope Salfeldiam reperi. De quibus in posterum. Prætereo FLUORES *rubros, subcinereos, candidos &c.* consulto, quos aliæ occasione reservo. Rariores sunt in agro nostro, frequentiores contra in regione Salfeldensi.

## CAPUT VI.

### DE LAPIDIBUS FIGURATIS EX LUSU NATURÆ.

#### §. 1.

**A**ntequam de lapidibus figuratis, tam *ex lusu naturæ*, quam *trasmutatione* vel *per trificatione*, agam, monere volui, mihi non animum esse singulos lapides, figuris æneis exprimendi, cum apud *Carol. Nicol. Langium*, in *historia La-*